

# شرح القواعد الكلّيه

من

درر الحکما شرح مجله الاحکام



خواجه امين افندی زاده  
علی هبدر



القسم الاول . من الجزء الاول

من  
شرح مجلة الاحكام  
در الاحكام

شرح  
القواعد الكلية

اثر

خواجہ امید فزی زادہ

علی حیدر

محکمہ تمیز حقوق دائرہ سی ریسی و مکتب حقوق عثمانی  
مجلہ معلمی

اشبو کتاب فتواخانہ عالیہ متعدد علماء کرام و فقہای فضائل اسام حضراتی طرف عالی لندن  
عریض و عمیق تدقیق اولہ رق قبول و تصدیق بیورلمشدر

طبع ثالث

اول و آخری مؤلفک مهر ذاتیہ محتوم اولیان نسخہ لر ساخته و متجاسری مسئولدر



استانبول

[ مطبعہ نوبع طباعت ] باب عالی قارشوسندہ عدلیہ خانی نومرو ۱۹

۱۳۳۰



## ﴿ مجله هیئتندن تنظیم اولنان مضبته نك صورتیدر ﴾

محاطلم عالی وکالت پناهیلی بیوردیفی اوزره علم فقهک امر دنیاه تعلق ایدن جهتی مناکحت و معاملات و عقوبات قسملرینه منقسم اولدیفی کبی ملل متمدنه نك قوانین اساسیه سی دخی بو اوچ قسمة تقسیم و معاملات قسسی قانون مدنی دیو توسیم اولنور ؛ فقط بو عصرلرده معاملات تجاریه پک زیاده توسع ایلش اولدیغندن پولیجه وافلاس کبی پک چوق خصوصلرده قانون اصلیدن استئنا اولنمش و بو مسائل استئنابیه بی حاوی بشقه جه برده تجارت قانوننامه سی تنظیم قلمشدرکه خصوصات تجاریه ده معمول به اولوب جهات سائرده یینه قانون مدنی به مراجعت قننور . مثلاً : برحکمه تجارنده تجارت قانونی حکمنجه رؤیت اولنان بر دعوانک رهن ، کفالت و وکالت کبی بعض خصوصات متفرعه سنده قانون اصلی به مراجعت اولنه یور . جراثمدن نشأت ایدن حقوق عادیه دعوالرنده دخی بو منوال اوزره معامله ایدیلیور . قانون مدنی به مقابل دولت علیه ده قدیماً و حادثاً پک چوق قوانین و نظامات یاپلش در . اگرچه بونلر کافه معاملاتک فصل و تسویه سنه کافی دکل ایسه ده علم فقهک معاملات قسسی بو خصوصده اولان احتیاجاته کافی و وافیدر . دعاوی نك شرع و قانونه حواله سنجه بعض مشکلات کورلمکده ایسه ده تمیز حقوق مجلسلری حکامک تحت ریاستلرنده بولنه رق امور شرعیه بی شرعاً رؤیت ایتدکلی کبی مجالس تمیزده نظاماً رؤیت اولنان ماده لر دخی آنلرک معرفتیله فصل و بومثللو مشکلر حل اولنمقده در . شو قدرکه قوانین و نظامات مادیه نك اصل و مرجعی علم فقه اوله رق نظاماً رؤیت اولنان موادک دخی نیجه خصوصات متفرعه سی مسائل فقهیه به تطبیق ایله فصل و جسم اولنه کلوب مجالس تمیز اعضاسی ایسه مسائل فقهیه به مطلع اولدقنلرندن گویا حاکم افندیلر قوانین و نظامات موضوعه نك خارجنده اوله رق مرافعاتی ایستدکلی قابله دوکه یورلر نظر یله باقوب برطاقم سوء ظنلره ذهاب ایله کفتکویه باعث اوله یورلر .

دولت علیه نك تجارت محکمه لرنده دخی تجارت قانوننامه هایونی دستورالعمل اولوب دعوانک تجارته تعلق ایتمیان خصوصات متفرعه سنده عظیم مشکلات چکلمکده در . شویله که اوروپا قانونلرنه مراجعت اولنسه چونکه بونلر بار اارده سنیه موضوع قوانین اولدیغندن محاکم دولت علیه ده مدار حکم اوله ماز . شرعه حواله اولدقده دخی محاکم شرعیه او مثللو خصوصات متفرعه ده مرافعه بی اساسندن طو تنغه مجبور اولور ؛ حالبوکه ایکی محکمه نك اصول محاکمه سی اساساً مختلف اولدیغندن بالطبع ایشده